

Broj: UP1-01-MT-12-1-2/21
Sarajevo, 09.03.2021. godina

Na osnovu članka 14. stavka (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), postupajući na osnovu točke II Rješenja kojim se imenuje službenik za informiranje Direkcije za europske integracije broj: 05/A-02-3-BT-22/19 od 4.1.2019. godine, rješavajući po pisanom zahtjevu broj UP1-01-MT-12-1/21 R. T iz Sarajeva doneseno je

R J E Š E N J E

Odobrava se zahtjev za pristup informacijama, kojim R. T. iz Sarajeva traži pristup informacijama iz djelokruga rada Direkcije za europske integracije. Zahtjevom je tražena informacija o sadržaju mišljenja Direkcije za europske integracije na Odluku o raspoređivanju prihoda ostvarenih na osnovu pružanja usluga u zračnoj plovidbi (rutne naknade) u zračnom prostoru Bosne i Hercegovine u 2020. godini tj. u kojem dijelu mišljenja se može utvrditi da li je dato pozitivno ili negativno mišljenje. Nadalje, zatražena je informacija o tome iz kojih navedenih propisa u mišljenju se može utvrditi koja sredstva spadaju u *en-ruta* takse koje se naplaćuju od svih avio kompanija čije letjelice preljeću teritoriju Bosne i Hercegovine. Imajući u vidu da Vijeće ministara Bosne i Hercegovine donosi odluke za svaku kalendarsku godinu, zahtjevom je zatražena dostava svih mišljenja koje je Direkcija za europske integracije dala na predmetne odluke. U zahtjevu je naznačeno da se odgovor dostavi na adresu ili elektroničkim putem na e-mail adresu.

O b r a z l o ž e n j e

R. T. iz Sarajeva je dostavio zahtjev za pristup informacijama kojim su traženi podaci o sadržaju mišljenja Direkcije za europske integracije na Odluku o raspoređivanju prihoda ostvarenih na osnovu pružanja usluga u zračnoj plovidbi (rutne naknade) u zračnom prostoru Bosne i Hercegovine u 2020. godini tj. u kojem dijelu mišljenja se može utvrditi da li je dato pozitivno ili negativno mišljenje, te iz kojih navedenih propisa u mišljenju se može utvrditi koja sredstva spadaju u *en-ruta* takse koje se naplaćuju od svih avio kompanija čije letjelice preljeću teritoriju Bosne i Hercegovine. Također, a imajući u vidu da Vijeće ministara Bosne i Hercegovine donosi odluke za svaku kalendarsku godinu, zahtjevom je zatražena dostava svih mišljenja koje je Direkcija za europske integracije dala na predmetne odluke. Zahtjev za pristup informacijama Direkcija za europske integracije je zaprimila 25.2.2021. godine i zavela pod brojem UP1-01-MT-12-1/21. Postupajući sukladno članku 14., stavku (2) točki c) Zakona o slobodi pristupa informacijama u Bosni i Hercegovini, utvrđeno je da je tražena informacija pod kontrolom Direkcije za europske integracije u smislu Zakona. Sukladno tome doneseno je rješenje kao u dispozitivu, te se podnositelju zahtjeva u prilogu ovog rješenja dostavlja posebno sačinjena informacija, te zahtjevom tražena mišljenja. Rješenje se dostavlja na adresu i e-mail naznačene u zahtjevu.

Pouka o pravnom lijeku: Protiv ovog Rješenja podnositelj zahtjeva može izjaviti žalbu Žalbenom vijeću Vijeća ministara Bosne i Hercegovine (adresa: Trg BiH 1, Sarajevo) u roku od 15 dana od dana prijema, a može se obratiti i Instituciji ombudsmana za ljudska prava Bosne i Hercegovine (adresa: Akademika Jovana Surutke 13, Banja Luka).

SLUŽBENICA ZA INFORMIRANJE
Martina Trogrlić

Prilog:

- kao u tekstu

Dostavljeno:

- podnosiocu zahtjeva

- a/a

**Posebno sačinjena informacija
po zahtjevu za pristup informacijama od 25.2.2021. godine**

U skladu sa Vašim zahtjevom od 25.2.2021. godine za dostavu podataka traženih na osnovu članka 14. stavka (2) Zakona o slobodnom pristupu informacijama u BiH („Službeni glasnik BiH“, br. 28/00, 45/06, 102/09, 62/11 i 100/13), a u svezi sa Odlukom o raspoređivanju prihoda ostvarenih po osnovu pružanja usluga u zračnoj plovidbi (rutne naknade) u zračnom prostoru Bosne i Hercegovine za 2020. godinu, Direkcija za evropske integracije dostavlja podatke slijedom dostavljenih pitanja:

„1. U kojem dijelu Dokumenta (u kojoj rečenici teksta) se može vidjeti odnosno utvrditi da li je dato pozitivno ili negativno mišljenje za navedenu Odluku

2. Obzirom da Vijeće ministara BiH donosi Odluke za svaku kalendarsku godinu kada je Direkcija za evropske integracije dostavljala Dokument za bilo koju prethodnu godinu, u koliko jeste molim da mi dostavite iste za svaku godinu

3. Iz kojih navedenih propisa u Dokumentu se može utvrditi koja sredstva spadaju u en-ruta takse koje naplaćujemo od svih avio kompanija čije letjelice preleću teritoriju Bosne i Hercegovine.“

1. Direkcija za evropske integracije je mišljenjem na Nacrt odluke o raspoređivanju prihoda ostvarenih po osnovu pružanja usluga u zračnoj plovidbi (rutne naknade) u zračnom prostoru Bosne i Hercegovine za 2020. godinu (broj: 03/A-06-2-VB-499-2/20 od 19.6.2020. godine) konstatirala da materija koja se uređuje nacrtom odluke nije regulirana pravno obvezujućim aktima Europske unije (*acquis*), te za istu ne postoji obveza usklađivanja zakonodavstva sukladno članku 70. Sporazuma o stabilizaciji i pridruživanju između Europskih zajednica i njihovih država članica s jedne, i Bosne i Hercegovine, s druge strane („Službeni glasnik BiH – Međunarodni ugovori“, br. 10/08, 1/17 i 8/17). Za dostavljeni nacrt odluke je, dakle, utvrđeno da ne podliježe postupku usklađivanja u skladu sa naprijed navedenim.
2. Direkcija za evropske integracije je dužna pratiti primjenu Odluke o postupku usklađivanja zakonodavstva Bosne i Hercegovine s pravnom stečevinom Europske unije („Službeni glasnik BiH“, br. 75/16 i 2/18) i provedbu zaključaka Vijeća ministara Bosne i Hercegovine. Ovim zaključcima zadužuju se institucije da dostavljaju Direkciji za evropske integracije na provjeru i potvrdu usklađenosti propise koji se usklađuju s *acquis*-em, sve provedbene propise, kao i propise kojim se ispunjavaju obveze iz dokumenata od značaja za integraciju Bosne i Hercegovine u Europsku uniju. Direkcija za civilno zrakoplovstvo Bosne i Hercegovine dostavila je Direkciji za evropske integracije zahtjev za mišljenje na Nacrt odluke o raspoređivanju prihoda ostvarenih po osnovu pružanja usluga u zračnoj plovidbi (rutne naknade) u zračnom prostoru Bosne i Hercegovine za 2019. godinu, te Nacrt odluke o raspoređivanju prihoda ostvarenih po osnovu pružanja usluga u zračnoj plovidbi (rutne naknade) u zračnom prostoru Bosne i Hercegovine za 2020. godinu. U prilogu se dostavljaju mišljenja tj. mišljenje broj 03/A-06-2-VB-544-2/19 od 26.4.2019. godine i mišljenje broj 03/A-06-2-VB-499-2/20 od 19.6.2020. godine.
3. Kao što je navedeno u prethodnim odgovorima, Direkcija za evropske integracije analizira usklađenost nacrt/prijedloga propisa Bosne i Hercegovine sa *acquis*-em kao i obvezama preuzetim Sporazumom o stabilizaciji i pridruživanju i izrađuje mišljenja o usklađenosti propisa Bosne i Hercegovine sa *acquis*-em. Prema tome, sadržaj mišljenja prati rezultat analize usklađenosti u postupku provjere usklađenosti tamo gdje je utvrđena obveza usklađivanja, dok za akte za koje nije utvrđena obveza usklađivanja sa *acquis*-em mišljenjem isto konstatira. S tim u vezi, Direkcija za evropske integracije se nije bavila analizom iz vašeg pitanja, ali se u mišljenjima pozvala na obrazloženja Direkcije za civilno zrakoplovstvo Bosne i Hercegovine u dostavljenim zahtjevima za mišljenje.



Broj: 03/A-06-2-VB-544-2/19

Sarajevo, 26.4.2019. godine

BOSNA I HERCEGOVINA
MINISTARSTVO KOMUNIKACIJA I PROMETA

Direkcija za civilno zrakoplovstvo BiH

Vojvode Pere Krece bb,

78000 Banja Luka

Predmet: Mišljenje na Nacrt odluke o raspoređivanju prihoda ostvarenih po osnovu pružanja usluga u zračnoj plovidbi (rutne naknade) u zračnom prostoru Bosne i Hercegovine za 2019. godinu, dostavlja se

Veza: Vaš akt broj: 1-4-16-3-1017-9/18 od 18.4.2019. godine (zaprimljen: 22.4.2019.)

Na osnovu članka 18. Zakona o ministarstvima i drugim organima uprave Bosne i Hercegovine („Službeni glasnik BiH” br. 5/03, 42/03, 26/04, 42/04, 45/06, 88/07, 35/09, 103/09, 19/16 i 83/17) i članka VI. Odluke o Direkciji za europske integracije („Službeni glasnik BiH”, broj 41/03) Direkcija za europske integracije daje sljedeće

MIŠLJENJE

Nacrtom odluke o raspoređivanju prihoda ostvarenih po osnovu pružanja usluga u zračnoj plovidbi (rutne naknade) u zračnom prostoru Bosne i Hercegovine za 2019. godinu (u daljnjem tekstu: Nacrt odluke) određuje se način raspoređivanja prihoda ostvarenih na osnovu pružanja usluga u zračnoj plovidbi (rutne naknade) u zračnom prostoru Bosne i Hercegovine za 2019. godinu (u daljnjem tekstu: en-route sredstva).

Bosna i Hercegovina je potpisnica Multilateralnog sporazuma koji se odnosi na rutne naknade (u daljnjem tekstu: Sporazum), te članica Europske agencije za sigurnost zračne plovidbe (u daljnjem tekstu: EUROCONTROL). U dokumentima Sporazuma i EUROCONTROL-a utvrđena su pravila za formiranje baze en-route troškova, kao i obračun, naplata i doznačavanje sredstava državama članicama EUROCONTROL-a.

Kao potpisnica Sporazuma i članica EUROCONTROL-a, Bosna i Hercegovina je prihvatila načela za utvrđivanje osnovice cijene za rutne naknade i obračunavanje jediničnih tarifa. Sukladno navedenim načelima baza troškova predstavlja plan troškova za određeno razdoblje, na osnovu kojeg se utvrđuje jedinična cijena i ostvaruju rutne naknade. Kako je definirano u članku 3. Nacrta odluke, države potpisnice Multilateralnog sporazuma o rutnim naknadama su jednoglasno usvojile zajedničku politiku naplate i sistem koji podrazumijeva punu nadoknadu troškova. S tim u vezi,

pružatelji usluga u zračnoj plovidbi imaju pravo na nadoknadu samo propisanih, opravdanih i odobrenih troškova za svaku fiskalnu godinu.

Sukladno Pravilniku o načinu utvrđivanja i financiranja troškova pružanja usluga rutne zračne plovidbe u zračnom prostoru Bosne i Hercegovine („Službeni glasnik BiH”, broj 86/11), Direkcija za civilno zrakoplovstvo Bosne i Hercegovine je sa pružateljima usluga u zračnom prostoru Bosne i Hercegovine usuglasila finalnu bazu en-route troškova za 2019. godinu. Planirani troškovi su u skladu s odgovarajućim propisima EUROCONTROL-a, i isti su prihvaćeni na 111. sjednici Proširenog komiteta za rutne naknade 21. i 22. studenoga 2019. godine u Briselu.

Analizom pravne stečevine Europske unije, utvrđeno je da materija koja se uređuje Nacrtom odluke nije regulirana pravno obvezujućim aktima Europske unije, te za istu ne postoji obveza uskladjivanja zakonodavstva sukladno članku 70. Sporazuma o stabilizaciji i pridruživanju između Europskih zajednica i njihovih država članica s jedne, i Bosne i Hercegovine, s druge strane („Službeni glasnik BiH — Međunarodni ugovori”, br. 10/08, 1/17 i 8/17).



Dostaviti:

1. Naslovu
2. a/a



Broj: 03/A-06-2-VB-499-2/20
Sarajevo, 19.6.2020. godine

BOSNA I HERCEGOVINA
MINISTARSTVO KOMUNIKACIJA I PROMETA
Direkcija za civilno zrakoplovstvo BiH
V kozarske brigade br. 18
78 000 Banja Luka

Predmet: Mišljenje na Nacrt odluke o raspoređivanju prihoda ostvarenih po osnovu pružanja usluga u zračnoj plovidbi (rutne naknade) u zračnom prostoru Bosne i Hercegovine za 2020. godinu, dostavlja se
Veza: Vaš akt broj: 01-12-02-2-13732/20 od 15.6.2020. godine

Na osnovu članka 18. Zakona o ministarstvima i drugim tijelima uprave Bosne i Hercegovine („Službeni glasnik BiH” br. 5/03, 42/03, 26/04, 42/04, 45/06, 88/07, 35/09, 103/09, 19/16 i 83/17) i članka VI. Odluke o Direkciji za europske integracije („Službeni glasnik BiH”, broj 41/03) Direkcija za europske integracije daje sljedeće

MIŠLJENJE

Nacrtom odluke o raspoređivanju prihoda ostvarenih po osnovu pružanja usluga u zračnoj plovidbi (rutne naknade) u zračnom prostoru Bosne i Hercegovine za 2020. godinu određuje se način raspoređivanja prihoda ostvarenih na osnovu pružanja usluga u zračnoj plovidbi (rutne naknade) u zračnom prostoru Bosne i Hercegovine za 2020. godinu (u daljnjem tekstu: en-route sredstva).

Bosna i Hercegovina je potpisnica Multilateralnog sporazuma koji se odnosi na rutne naknade (u daljnjem tekstu: Multilateralni sporazum), te članica Europske agencije za sigurnost zračne plovidbe (u daljnjem tekstu: EUROCONTROL). U dokumentima Multilateralnog sporazuma i EUROCONTROL-a utvrđena su pravila za formiranje baze en-route troškova, kao i obračun, naplata i doznačavanje sredstava državama članicama EUROCONTROL-a.

Kao potpisnica Multilateralnog sporazuma i članica EUROCONTROL-a, Bosna i

Hercegovina je prihvatila načela za utvrđivanje osnovice cijene za rutne naknade i obračunavanje jediničnih tarifa. Sukladno navedenim načelima baza troškova predstavlja plan troškova za određeno razdoblje, na osnovu kojeg se utvrđuje jedinična cijena i ostvaruju rutne naknade. Kako je definirano u članku 3. Nacrta odluke, države potpisnice Multilateralnog sporazuma o rutnim naknadama su jednoglasno usvojile zajedničku politiku naplate i sistem koji podrazumijeva punu nadoknadu troškova. S tim u vezi, pružatelji usluga u zračnoj plovidbi imaju pravo na nadoknadu samo propisanih, opravdanih i odobrenih troškova za svaku fiskalnu godinu.

Sukladno Pravilniku o načinu utvrđivanja i financiranja troškova pružanja usluga rutne zračne plovidbe u zračnom prostoru Bosne i Hercegovine („Službeni glasnik BiH”, broj 86/11), Direkcija za civilno zrakoplovstvo Bosne i Hercegovine je sa pružateljima usluga u zračnom prostoru Bosne i Hercegovine usuglasila finalnu bazu en-route troškova za 2020. godinu. Planirani troškovi su u skladu s odgovarajućim propisima EUROCONTROL-a, i isti su prihvaćeni na 111. sjednici Proširenog komiteta za rutne naknade 21. i 22. studenoga 2019. godine u Briselu.

Analizom pravne stečevine Europske unije, utvrđeno je da materija koja se uređuje Nacrtom odluke nije regulirana pravno obvezujućim aktima Europske unije, te za istu ne postoji obveza usklađivanja zakonodavstva sukladno članku 70. Sporazuma o stabilizaciji i pridruživanju između Europskih zajednica i njihovih država članica s jedne, i Bosne i Hercegovine, s druge strane („Službeni glasnik BiH — Međunarodni ugovori”, br. 10/08, 1/17 i 8/17).



Dostaviti:

1. Naslovu
2. ala

